



SIARAN AKHBAR

LAWATAN MAKTAB DULI PENGIRAN MUDA AL-MUHTADEE BILLAH KE GALERI MATAWANG AUTORITI MONETARI BRUNEI DARUSSALAM

1. Autoriti Monetari Brunei Darussalam (AMBD) baru-baru ini telah menerima lawatan daripada tiga puluh penuntut dari Maktab Duli Pengiran Muda Al-Muhtadee Billah.
2. Penuntut-penuntut tersebut, yang diiringi oleh empat orang guru, telah membuat lawatan ke Galeri Matawang AMBD, dan seterusnya mendengarkan penerangan mengenai fungsi dan tanggungjawab AMBD. Sebagai penuntut aliran bisnes, penuntut-penuntut tersebut juga ingin mengetahui dengan lebih lanjut mengenai dasar-dasar monetari yang dipraktikkan oleh bank-bank pusat dan autoriti-autoriti monetari dunia serta kesannya kepada pasaran.
3. Galeri Matawang AMBD ini telah dibuka rasmi pada tahun 2006 dan mempamerkan jenis-jenis wang kertas dan syiling yang digunakan oleh Negara Brunei Darussalam sejak abad ke-14 serta wang syiling dan wang kertas kenang-kenangan.
4. Galeri Matawang AMBD ini dibukakan kepada orang ramai dari jam 8.30 pagi hingga 12.00 tengahari dan 2.00 petang hingga 4.30 petang kecuali pada hari Juma'at dari jam 8.30 hingga 11.00 pagi dan 3.00 hingga 4.00 petang, dan juga turut menjual wang kertas dan duit syiling kenang-kenangan sempena memperingati hari-hari kebesaran tertentu di Negara Brunei Darussalam.

Autoriti Monetari Brunei Darussalam

Tarikh : 5 Rejab 1437/ 13 April 2016

Rujukan : AMBD/COMMS/3